

堅

瓠

集

堅瓠尺集卷之二目錄

饒州府學

車盤驛

壺山居士

蠻布弓衣

留餘

炎涼異態

書懷

閒適

一園冰

白香山語

西湖詞

汪彥章詞

油污衣

止酒

反止酒

罪酒

清狂白癡

論鸞鷟

五仄詩

代王婉儀詞

黃冠歸故鄉

謝疊山

碧蘆

風情不薄

吳昭詞

燕山驛壁

琵琶詞

豪放賈禍

古人好尚

王陸無忌憚

鬼憎人學問

王夢澤

子厚小兒

李後主去國詞

西湖勝景

張華

題壁

玉簪花

葛將軍

劉東山

張右侯降此

彭解元

復南頓田租

醒世詞

泡燈

盲馬售錢

除夕絕糧

遊藏春塲

喜雨

煬帝聞歌

大業童謠

臻蓬蓬

木生奇遇

奴根

破瓜

士籍書曆

題倚屏美人

道開

聽雨讀離騷

索箋留帶

三角亭

堅刻褚石農堅瓠集卷之

甬上留香閣主人較刊

饒州府學

饒州府學基古報恩寺卽今天寧寺也元時寺僧游湘蜀間抄化巨木創治之紺宇雄偉但未設佛像耳大明兵至凡支廟不毀僧假宜聖牌位置苑中得免後生徒遂以爲郡庠宣德中有僧書對于方丈云萬

間廣厦歸寒士一榻閒雲卧老僧有士人
以文字易寒字云

車盤驛

弘治中聞中許敬衷天錫初在詞林以能
詩爲李長沙所知嘗題詩車盤驛丹青閣
上云青山當面似無路黃犢出林還有村
鄭繼之善夫題其後云風流不見許黃門
文字丹青閣尚存最憐佳句車盤驛黃犢

青山何處村

壺山居士

宋南昌朱謙父自遜號壺山居士詞筆絕
高嘗作驀山溪自述云壺山居士木老心
先懶愛學道人家辦竹几蒲團茗枕青山
可買小結屋三間開一徑俯清溪修竹栽
教滿客來便請隨分家常飯若肯小留
連更薄酒三尊兩盞吟詩度曲風月任招

呼身外事不相關自有天公管

蠻布弓衣

蘇子瞻嘗於消井監得西南夸人所賣蠻
布弓衣上有織成文云朔風三月暗吹沙
蛟龍卷起噴成花花飛萬里奪曉月自石
爛堆愁女媧乃梅聖俞春雪詩也子瞻以
遺歐陽公公家舊蓄古琴乃寶慶三年雷
會所斲遂以此布更爲琴囊云

留餘

洪自誠云天地有無窮的力量然一日纔到午後便急忙晦冥以蓄來日之光華一年纔到秋來便急忙收斂以養來年之發育人生才力幾何分量幾何而事必欲做盡福必欲享盡智巧必欲用盡是焚林而狩竭澤而漁矣如明年之無獸無魚何

炎涼異態

飢附飽鴈煖趨寒燕古今通患唐詩云花
開蝶滿枝花謝蝶依稀惟有舊巢燕主人
貧亦歸又谷口春殘黃鳥稀辛夷花盡杏
花飛始憐幽竹山窓下不改清陰待我歸
誦二詩令人不勝炎涼之感安得舊巢之
燕山窓之竹與之締貧交而共歲寒哉

書懷

沈君烈書懷詩云閒將生計逐年盤盡興

飄蓬海一般支命只虧肩骨老包愁還仗
肚皮寬貪場淡笑如貪寶做板青文抵做
官隨意喫齋清坐坐不妨略被世尊瞞

閒適

髮短心長生人通患石火易陰河清難俟
如欲住世出世須是知機息機造化權還
之造化兒孫福付之兒孫尋花間月雨雨
三三置酒焚香魚魚雅雅詩不必工奕不

必勝凡事只求日減此心直與天游不守
庚申都忘甲子此亦塵世丹丘震旦淨土

一團水

詩云興爲半年愁病減囊因一片熱腸貧
不知愁病正爲熱腸而來昔有人遊寺見
一佛腹甚巨或指之曰此中何物一人應
曰是一團水耳曰如此令人何以濟世應
曰政此一團水纔救得干坑火也

白香山語

白樂天云十畝之宅五畝之園有水一池
有竹千竿勿謂土狹勿謂地偏足以容膝
足以息肩有堂有庭有橋有船有書有酒
有歌有絃有叟在中白髮飄然識分知足
外無求焉如鳥擇木姑務巢安如龜居坎
不知海寬靈崔怪石紫菱白蓮皆我所好
盡在吾前時飲一盃或吟一篇妻孥熙熙

雞犬閒閒優哉游哉吾將終老於其間

西湖詞

綿州文及翁時學號水心登第後宴集西湖一同年戲之曰西蜀有此景否及翁卽席賦賀新卽詞云一勺西湖水渡江來百年歌舞百年酣醉回首洛陽花世界烟沙來離之地更不復新亭墮淚簇樂紅粧搖盡舫問中流擊楫何人是千古恨幾時洗

余生自負澄清志更有誰蟠溪未遇傅
巖未起國事如今誰倚伏衣帶一江而已
便都道波神堪恃借問孤山林處士但掉
頭笑指梅花蘆天下事可知矣

汪彥章詞

汪彥章藻舟行汴中岸傍盡舫有映簾而
觀者見其額賦醉落魄詞云小舟簾隙佳
人半露梅粧額綠雲低映花如刻恰似秋

宵一半銀蟾白
結兒捎采紅香
撚鈿顰
隱隱搖金碧
春山秋水渾無迹
不露牆頭
些子真消息

油污衣

衢州白沙渡酒館敗壁間有人題油污衣
詩曰一點清油污白衣
斑斑駁駁使人疑
縱饒洗遍千江水
爭似當初不污時
味其
語意蓋感人之失節而云然

止酒

辛卯安居山日嘗欲止酒賦沁園春云杯
汝前來老子今朝點檢形骸甚長年抱渴
咽如焦釜于今苦眩氣似奔雷漫說劉伶
古今達者醉後何妨死便埋渾如此歎汝
於知己真少恩哉 更憑歌舞爲媒算合
作平居鴆毒猜況怨無大小生於所愛物
無美惡過則爲災與汝成言勿留亟去吾

力猶能肆汝盃盃再拜道塵之卽去招則
須求一日友人載酒入山勿安不得以止
酒爲解遂破戒一醉再韻前調云盃汝知
乎酒泉罷侯賜夷乞骸更高陽入謁都稱
釐曰杜康初筮正得雲雷細數從前不堪
餘恨歲月都將麴蘖埋君詩好似提壺却
勸沽酒何哉君言病豈無媒似壁上雕
弓蛇暗猜託醉眠陶令終全至樂獨醒屈

予未免沉災欲聽公言慙非勇者司馬家
見解覆盃還堪笑借今宵一醉爲故人來

反止酒

尤悔庵先生有反止酒詞云辛稼軒有止
酒詞然吾輩酒狂也又當此時此中雅宜
此君豈忍囚酒星於天獄焚醉日於秦坑
哉詞曰陸酺前來校卜功臣衆口交推彼
從事齊州清爲聖德督郵高縣濁亦賢才

堯舜千鍾仲尼百斛子路寧辭十榼陪髡
一石更先生五斗學士三杯 嘗聞上頓
長齋卽乘馬騎驢事盡佳况卓家少婦爲
君滌器楊家死子爲我持罍山帶蘭陵水
連乘落麴部分茅議允諧咨汝酌伊俾侯
醴泉郡曰往欽哉

罪酒

惺庵先生云余旣反止酒數與隣往來稱

肚膈友已而病億嘔出心血醫者曰是酒
之罪也天有酒星故傾於西北地有酒泉
故缺於東南人有酒腸故傷於中心若婉
彼藥狂亦如劉將軍負鍾從之耳予惕然
吾待耐不薄奈何負我請絕交於是復召
陸生而告之日醕若毋聲以酒爲名乃罪
之魁算持螯螯者甕中就縛吹龍笛者水
底長理金盞纔擎玉山便倒玩我真如兒

堅瓠集

卷二

九

戲哉腐腸藥甚良醪可繼心腹當災 今
朝焚了精臺又何問蓮花白玉五五俯君將
伐狄臣當執御人能擎杜我願持龜草奪
黃封驅除綠蟻主爵壺南賜自我醕不道
削汝懿侯職以警將來

清狂白癡

漢昌邑王賀清狂不惠詎如今白癡也希
通錄謂以清狂對白癡亦新讀左傳成十

八年周兄無恙蓋世所謂白癡則知師古
之註本於杜預惠慧字異而義同

諭鷺鷥

辛稼軒園池中畜魚有鷺鷥羣集其上賦
鵲橋仙諭之曰溪邊白鷺求吾告汝溪內
魚兒堪數主憐汝汝憐魚要物我欣然一
處 白沙遠浦青沉別渚刺有蝦跳鯽舞
聽君飛去飽時來看頭上風吹一縷

五仄詩

晏同叔守汝陰每聖俞往見之將行同叔
置酒潁河上因言古人章句中全用平聲
製字穩帖如結系知天風是也恨未見仄
字詩耳聖俞引舟遂作五仄詩寄之曰月
出斷岸口影照別舸背且獨與婦飲頗勝
俗客對月澗上我席暝色亦稍退豈必在
秉燭此景亦可愛

代姽儀詞

王姽儀題驛滿江紅詞觀三傳播中原文
文山讀至嫦娥相顧肯從容隨圖缺句歎
曰惜哉夫人于此少商量矣因為代作一
篇云試問琵琶胡沙外怎生風色最苦是
姚黃一朵移根仙闕王母懽闌瑗宴罷仙
人淚滿金盤側聽行宮半夜雨淋鈴聲聲
歇彩雲散香塵滅銅駝恨那堪說想男

兒慷慨嚼罕齧血回首昭陽離落日傷心
銅雀迎新月算妾身不願似天家金甌缺
又和詞云燕子樓中又捱過幾番秋色相
思處青年如夢乘鸞仙闕肌玉暗消衣帶
緩淚珠斜透花鈿側最無端蕉影上牕紗
詩燈歇曲池台高臺滅人間事何堪說
向南陽肝上滿襟清血世態便如翻覆雨
妾身元是分明月笑樂昌一段好風流荅

花缺

黃冠歸故鄉

汪大有元量號水雲從謝后北遷教瀛國
爲詩老宮人王憲清輩能詩者皆其指教
元世祖聞水雲善琴召入侍鼓一再行駿
駁有漸離之志無便可乘遂哀懇乞爲黃
冠世皇許之得還錢唐往來彭蠡間風踪
雲影人莫測其去留之跡相傳以爲仙多

畫像祀之有詩一帙皆敘宋亡事如云亂
點傳籌殺六更風吹庭燎滅還明侍臣奏
罷降元表臣妾簽名謝道清餘詩大抵類
是元馬易之題其帙後云三日錢唐海不
波子嬰繫組納山河兵臨魯國猶絃誦客
過商墟獨嘯歌鐵馬渡江功赫奕銅人辭
漢淚滂沱知章喜得黃冠賜野水閒雲一
釣簑

謝疊山詩

謝枋得字君直因蘇東坡有溪上青山三百疊之句故號疊山德祐丙子元師入信州枋得變姓名入建寧山至元中御史程文海等交薦累召不赴行省叅政魏天祐復被旨集中令戍將追蹙上道臨行以詩別親知曰雪中松柏愈青青扶植綱常在此行天下豈無龔勝潔人間何獨伯夷清

義高便覺生堪捨禮重方知死甚輕南入
男兒終不屈皇天上帝眼分明士友和詩
盈九張叔仁詩云打硬修行三十年如今
證驗作儒仙人皆屈膝甘爲下公獨高聲
罵向前此去好憑三寸舌再來不值一文
錢到頭畢竟全清節留取芳名萬古傳枋
得會其意甚稱之至燕不食而死

碧蘆

并門自古無竹李文饒嘗一植之歷宋數
百年寺僧日爲平安之報大定間蔡正甫
由禮部郎出守濰州於官舍東堂種碧
蘆以寄意因作長短句曰青君那肯顧寒
鄉試着葭蘆擬汶篁有若何堪比夫子虎
賁猶想見中郎色添新雨簾櫳好聲入微
風枕簟涼他日東堂慙政拙只將此物當
甘棠

風情不薄

司馬溫公嘗卽席賦西江月詞云寶髻鬆
鬆綰就鉛華淡淡粧成紅樓紫霧罩輕盈
飛絮遊絲無定相見爭如不見有情還
似無情笙歌散後酒微醒深院月明人靜
楊元素云溫公剛風勁節聳動朝野宜其
金心鐵意不善吐媚軟語近得其席上小
詞雅亦風情不薄也

吳琚詞

淳熙九年八月十八日駕詣德壽宮奉迎
上皇觀潮百戲搬弄各呈技藝上皇喜曰
錢塘形勝天下所無上起奏曰江湖亦天
下所獨宜諭侍臣各賦酹江月一曲至晚
呈上以吳琚爲第一其詞曰玉虹遙挂望
青山隱隱如一抹忽覺天風吹海立好似
春霆初發白馬凌空瓊鰲駕水日夜朝天

闕飛龍舞鳳鬱蕊環拱吳越 此景天下
應無東南形勝偉觀真奇絕好是吳兒飛
彩幟蹙起一江秋雪黃屋天臨水犀雲擁
着擊中流楫晚來波靜海門飛上明月兩
宮賞賜無限至月上始還

燕山驛壁

吳彥高激號東山題風流子詞於燕山驛
壁曰書劒憶這梁當時事底處不堪傷蘭

楫嫩漪向吳南浦杏花微雨窺宋東牆鳳
城外燕隨青步障絲惹紫游韁曲水古今
禁烟前後暮雲樓閣春草池塘回首斷人
腸年芳但如霧鏡髮成霜獨有蟻尊陶
寫蝶夢悠揚聽出塞琵琶風沙淅瀝寄書
鴻雁烟月微茫不似海門潮信能到潯陽

琵琶詞

吳彥高在會寧府遇老姬善琵琶自言梨

園舊籍因有感賦春從天上來詞曰海
飄零歎漢苑秦宮墜露飛螢夢回天上金
屋銀屏歌吹競舉青冥問當時遺譜有絕
藝鼓瑟湘靈促哀彈似林鶯嚦嚦山溜冷
冷梨園太平樂府醉幾度春風長髮星
星舞徹中原塵飛滄海風雪萬里龍庭寫
胡笳幽怨人憔悴不似丹青酒微醒一軒
涼月燈火青燐此詞皆用琵琶故實

豪放賈禍

萬曆乙未吳人以闕曰未靖在位者皆謹
備之王鳳洲仲子士驥延陵秦方伯耀弟
燈雲間喬憲長敬愔子相俱自負貴介士
驥能文章燈善談相善書翰各有時各互
相往來出入狹邪適遇海警盡懷臂起若
將曰我且制倭我且立無前功者時奸人
趙州平竄身諸公子間引以自重每佩劔

遊酒樓博場皆與諸公子俱一時無不知
有趙州平也乃泛泛投刺富人曰吾曹欲
首事靖海島寇貸君家千金爲餉富人懼
焉或貸之百金或數十金不則輒目懾曰
爾爲我守金不久我且提兵勦汝矣蓋意
在得金姑爲大言恐之諸富人見其交諸
公子又常佩劔出入以爲必且率其黨奪
我金也韓言趙州平王秦喬諸公子將爲

亂巡撫朱鑑塘洪謨檄有司擒治之以事
聞於朝疏載反詩有君實有心追率布蓬
門無計作朱家句下兵部議伍寧方萃言
於本兵石星此二句乃幽閨記中語何得
爲証下撫按勘問鞠之無實其後論州平
及燈死士驕戍相配人咸以爲冤成疑獄
久繫鳳洲有奴胡忠者善說平話酒酣輒
命說列傳解答願每說唐明皇宋藝祖明

武宗輒自稱朕稱寡人稱人曰卿等自古
已然士驕携忠至酒樓說書侑酒而問聞
乍聞者輒曰彼且天子自爲以是并爲士
驕罪目之爲叛不亦過乎然亦由士驕等
自恃高門大閥交遊非類以至於此若能
如馬援所云無效季良柳玭所云毋恃門
第兢兢自守杜門謝客圖史自娛寧至有
殺身之禍以貽父母之憂哉

古人好尚

唐李洞愛賈島詩銅鑄島像事之如神嘗
念賈島佛又南唐孫晟少爲道士居廬山
簡寂觀亦畫島像于壁朝夕禮拜宋張功
父好白香山詩文建景白軒置香山畫像
并文字宋劉子儀爲詩宗尚李義山畫其
像寫其詩句供列左右四人好尚如此

王陸無忌憚

王弼註易刻木偶爲鄭玄像見有所誤輒
呵叱之陸居仁讀論孟刻朱晦菴像見註
有紕謬則擊像一下宅之卽代爲對曰朱
嘉誤矣兩人之無忌憚若此

鬼憎人學問

倉頡作書而鬼夜哭楊子雲作太玄有鬼
語之曰無爲自苦玄故難傳王遠知作易
總雷電中一老人取去是鬼常憎人學問

也彼教長卿作大人賦燃藜天祿閣上及
贈王肅墨逼退之吞篆文者定奇鬼也

王夢澤

黃岡王夢澤英陳性放誕官翰林時題詩
館壁曰幾年不到梅山上只道梅山都是
梅今日梅山一回首野花荆棘兩相隨蓋
譏同輩無才也因之左遷知豫州復忤御
史罷官歸

子厚小兒

常熟桑民悅釋以才自負居成均時爲丘仲深所黜後就教職書對於明倫堂云文章高似翰林院法度嚴於按察司及學使行部諸校官進見皆林立堂左民悅倚柱脫靴搔痒學使聞其名亦不較後轉柳州別駕不肯往或問之答曰子厚小兒久擅此州恐到彼將爲我所掩

李後主去國詞

東坡志林載李後主去國之詞曰二十餘
年家國數千里地山河幾曾慣干戈一旦
歸爲臣虜沈腰潘髩消磨最是倉皇辭廟
日教坊猶奏別離歌揮淚對宮娥東坡謂
後主當慟哭於九廟之下謝其民而後行
顧乃揮淚對宮娥其詞悽愴與項羽拔山
之歌同出一揆然羽爲羞勝悲歌慷慨猶

有啼鳴叱咤之氣後主渾是養成兒女之
態至梁武帝稔侯景之禍毒流江左乃曰
自我得之自我失之亦復何恨直如窮兒
呼盧驟勝驟負無所愛惜特付之一拚耳

西湖勝景

西湖之勝有十里湖光六橋風月三竺烟
霞昔人題咏甚多曾見一折桂令云蘇公
堤上今古堪誇春夏秋冬四季奢華歛艷

湖光漠漠山色掩映朝霞紫陌上垂楊繫
馬新橋邊流水人家畫舫撐來翠袖羅裳
韻悠悠笙歌嘹亮醉醺醺笑語喧譁

張華

方秋崖咏張華云堪笑張華死不休徒精
象緯古無倚中台星折何曾識祇識龍泉
動斗牛可謂詩史

題壁

旅館寺壁多有佳句不遇採錄遂致湮沒
見一詩云謾誇李白與劉伶荷鋪騎鯨得
令名昔許二翁偏好酒只緣世事不宜醒

玉簪花

崔宗吉咏玉簪花白露初凝氣候涼花神
獻寶助新粧移來銀色三千界壓盡金釵
十二行秋水爲神水琢骨新涎作疰麝傳
香不須石上憂磨折長在佳人髮鬢旁

葛將軍

萬曆辛丑內監孫隆以織造至蘇頗老成
敬禮上大夫刀民藉以作奸六門設稅吏
担負出入必稅錢數文聞開擾動與人葛
誠義憤所激以蕉扇招市人殺其叅隨隆
走杭得免誠詣官待罪當道以亂民不宜
名誠改爲賢疏聞後以赦得出又十餘年
以疾終吳人義之呼爲葛將軍誠未死時

江淮間客舟祭賽之輒有驗死葬虎丘五
人之墓側文文肅公題其碑曰有吳葛賢
之墓錢蒙叟有葛將軍歌曰葛將軍萬夫
雄我甘遇之婁水東雕顏虎鼻眉自古蕉
扇颯拉吹秋蓬死骨穿近五人冢生魄噓
動五兩風葛將軍今死矣權奇倣儻誰與
擬生惜不逢漢武帝鴻漸之翼困間里犬
臺官中應召見上林牧羊躡草履君不見

車丞相宮殿出入乘小車亦是上書一男
子康熙癸丑春予過虎丘於其猶子處得
贈將軍遺像稍帽戎裝腰間插一蕉扇猶
凜凜有生氣上有吳因之文文肅諸先輩
題讚云

劉東山

華容劉東山大夏以戶部致仕携東山草
堂後起中丞督兩廣軍務鄉人嚴仲宏永

濬贈詩云公去青松護短墻歸時定見雀
翎長野人不解山靈意只恐移文到草堂
蓋諷之也正德初以兵書致仕究爲焦芳
劉宇所搆遣戍肅州臨行故舊無敢會者
獨仲宏賦詩贈答東山過六盤山詩寄李
西涯有寄謝同年老知己天涯孤客幾時
還句歸自六盤和前韵云憑誰寄語中州
子前度劉郎今已還中州子指芳宇也

張右侯降乩

康對山海叩乩仙忽一神降書曰吾張右
侯也封山問何時人曰子不識晉書乎吾
石氏輔臣張賓也少有大志韜略自期爲
真主定天下不意值亂世失身爲朝雖言
聽計從稱爲右侯而以功論之曾不如管
樂嘗與橫林子相對而歎中夜感激未嘗
不血淚交流也吾子生盛世魁多士雖曰

不頓愈於鄙人遠矣對山又問橫林子爲誰曰苻堅相王猛是也與余皆事虜主各懷不滿至今鬱鬱在鬼錄云擲筆而返

彭解元

清江彭綱字性仁成化戊子秋試前里中有病者祈仙降筆云天上名將就蟾宮桂已香吟成二十字相贈綠衣郎可送彭解元病當愈綱因與友人祈夢于玉笥山神

殿廡爲衆所占宿於牡丹亭下迷暗無夢
俄一人曰夢神歌云牡丹亭下百花魁豈
亭下有人耶綱聞之卽振衣去是年果癸
解乙未成進士

復南頓田租

光武復南頓田租一歲父老願復十年帝
曰天下重器常恐不任安敢遠期十年乎
吏民又言陛下實惜之何言謙也光武大

笑復增一歲此如家人父子相唯諾足想
當時中興氣象史稱文叔少時與人不款
曲豈信然哉

醒世詞

詩餘云鐘送黃昏雞報曉昏曉相催世事
何啻了萬苦千愁人自老春來依舊生芳
草處處人多閑處少閒處光陰幾個人知
道獨上小樓雲杳杳天涯一點青山小

泡燈

上元節京師燒糯米爲瓶貯水蓄魚旁映
屏燭通明可愛俗呼泡燈黃巖王古直佐
買置於館日玩弄爲戲李西涯以詩嘲之
曰置得長安市上春玉壺清水貯金鱗却
看塵土疑無地未掣波濤亦有神眼底功
名聊此幼杖頭風月且教貧西堂燈火元
宵夜又向東風作旅人一日誤觸碎之悌

然不樂曰吾平生家計在此今蕩盡矣西
涯復壘前韻慰之曰白髮華燈一夜春江
南江北兩窮鱗飛騰有地歸塵土詞護無
錢役鬼神物以泡名終合盡家隨身在更
何貧清詩素壁猶堪玩休羨揚州崔上人
育馬售錢

莆田陳師召音號媿齋有育馬售錢六百
李西涯諭之以詩戲曰六百青蚨十里才

忍將筋骨付塵埃驚魂已脫池邊險往事

無勞塞上猜

師召已連失二馬

斗酒杜陵堪再醉

用三百青銅詩

千金郭隗幸重來知公自是忘機

者一笑能令萬事該○西涯嘗得良馬以

贈師召師召騎入朝歸至門成詩二章怪

而還其馬西涯問故師召曰吾舊所乘馬

朝回必成大詩今馬止成二詩非良也西

涯笑曰馬以善走爲良此固非良耶師召

唯唯復騎而去

除夕絕糧

吳縣都玄敬穆最善濟人之急尤愛食客
所有輒盡盡則解衣爲質一歲除夕絕糧
作詩寄故人朱堯民曰歲云暮矣室蕭然
牢落生涯只舊壇君肯太倉分一粟免教
人笑竈無烟堯民儲錢千文爲新歲之用
遂分半贈之

遊藏春塢

徐都尉於西山關一花園廣植奇花異果
名曰藏春塢時值芳春名花競秀蘇東坡
同佛印訪之值都尉他出洞門鎖鑰無得
啓扃遙見樓頭有一女子美貌凭闌凝望
東坡遂索筆題詩于門曰我來亭館寂寥
寥鎖鎖朱扉不敢敲一點好春藏不得樓
頭半露杏花梢佛印亦和云門掩青春春

自饒未容取次老僧敲輸他蜂蝶無情物
相逐偷香過柳梢題畢而去都尉回見詩
明日乃約二人宴會久而不至用前韵自
題云藏春日日春如許門掩應防俗客敲
准擬欸爲花下飲莫教明月上花梢又以
事他出俄而佛印東坡至出家姬侍宴遍
賞紅紫酒半酣坡咏殢人嬌詞贈姬云滿
院桃花盡是劉郎未見于中更一枝纖軟

仙家日日笑人問春晚濃醉起驚落亂紅
千片密意難覓羞容易見平白地爲伊腸
斷問君終日恁如排心眼須信道司空自
來見慣都尉歸見詞卽和云小苑藏春信
道遊人未見花臉嫩柳腰嬌軟停觴緩引
正夕陽將晚鶯誤入蹴損海棠花片只悵
春心當時露見小樓外曾勞目斷燈前料
想也饑心飽眼從此去縈心有人可慣命

姬歌詞以勸坡大醉而別

韓忠獻喜雨詩

韓忠獻公在相府作久旱喜雨詩云何暇
嗔雷擊怒桴默然嘉澤浹民區經時亢旱
羣心駭數月焦熬一陣蘇已發宋苗安在
掘再生莊緡不虞枯須臾慰滿三農望却
斂神功寂若無言雲行雨施羣心安而神
功斂相業相度卽此可見

煬帝聞歌

隋煬帝幸維揚後宮隨行帝御龍舟夜半
聞歌聲甚悲詞曰我兄御遠東餓死青山
下今我挽龍舟又困隋堤道方今天下饑
路糧無些少前去三千程此身安可保寒
骨枕荒沙幽魂泣烟草悲損門內妻壻斷
吾家老安得義男兒焚此無主屍引其孤
魂同負其白骨歸帝遣人求歌者不得

大業童謠

大業九年煬帝將再幸江都迷樓宮人抗
聲歌曰河陽楊柳謝河北李花榮楊花飛
去落何處李花結菓自然成帝聞歌披衣
起聽召宮女問曰孰使汝歌也宮女曰臣
弟在民間得此歌於道塗兒童帝默然久
之曰天啓之也因索酒自歌曰宮水陰濃
燕子飛興衰自古漫成悲他日迷樓更好

景宮中吐艷戀紅輝歌竟不勝其悲近侍
奏閤帝曰休問他日自知後唐兵入京見
迷樓太宗曰此皆民之膏血令焚之應宮
中吐艷之譏

臻蓬蓬

宣和初收復燕山以歸宋金民來居京師
其俗有臻蓬蓬歌民每扣鼓和臻蓬蓬之
音爲節而舞人無不喜聞其聲而効之其

歌曰臻蓬蓬外頭花花裏頭空但看明年
正二月滿城不見主人翁此本金識次年
正月徽宗南幸次年二聖北狩又有伎者
以數丈長竿繫椅於杪伎者坐椅上少頃
下投小棘坑中無偏頗之失未投時念詩
曰百尺竿頭望九州前人田土後人收後
人收得休歡喜更有收人在後頭此亦金
識而北禍可怪

木生奇遇

高坡異纂木生涇字元經洪武初以鄉薦
詣業太學嘗登秦山觀日出夜宿秦觀峰
夢一老婦攜女子出見甚歡遺一詩扇展
誦未終鐘鳴驚寤夢中經行道路第宅歷
歷可憶明年入都道出武清散步柳陰拾
一遺扇上有詩云州中芍藥朦朧睡雨底
梨花淺淡粧小院黃昏人定後隔牆遙辨

麝蘭香彷彿是夢中所見者行未幾遙見
一女郎從二女侍迤邐而來時春雨新霽
微風扇煖女郎徐穿別徑而去生竚立轉
盼但見帶袂飄舉環珮鏘然遂以所佩鐙
刀削樹題一絕云隔江遙望綠楊斜聯袂
女郎歌落花風定細聲聽不見茜裙紅入
那人家前宿野店問之曰此去里許有田
將軍園宅也生明日往樹下竟日無所遇

又題於樹曰異鳥嬌花不奈愁湘簾初捲
月沉鈎人間三月無紅葉却放桃花逐水
流因見溪水中落花流出而感興也此後
惟將遺扇愛玩不絕而已後成祖嗣統龔
諸薦生於上爲工部郎休沐之日偕僚友
同出土橋看牡丹偶憩田家隣翁熟視其
扇問生曰此吾甥女手書何從得之生曰
三年前過武清所拾者翁曰乃吾寡妹所

居萍梗相逢事固有出於偶然者更引入
一曲室幃幄鮮麗金玉爛然几榻整潔琴
瑟靜好一老婦出拜言姓錢氏先夫田忠
義官至上輕車都尉往歲扈從西征爲流
矢所中輿疾歸武清今亡三載小女娟娟
偶過溪橋遺一扇不意入君之手當時尋
扇見溪邊樹上二絕朝夕諷詠得非君作
乎生曰此我所題老婦因命娟如出見至

則玉姿芳潤內美難徵儼然夢中相逢者
也生因述前夢共相嗟異久之遂命爲夫
婦娟娟妙解音律貫通經史凡諸戲博雜
藝無不精曉閱月生督皇木潞河南行娟
母又暫至武清室內無人因鎖院而去娟
娟寄生詩曰聞郎夜上木蘭舟不數歸期
只數愁半幅御羅題錦字隔牆裏贈玉搔
頭生還贈之曰碧窓無主月纖纖桂影扶

堅瓠集

卷二

五

辛

踈玉漏嚴秋。浦芙蓉倚叢葉半粧。斜倚水晶簾。娟以詩慰生曰。碧玉杯中琥珀光。燈前把勸阮家郎。不須更憶人間世。萬樹桃花卽故鄉。至冬生以母憂去職。娟抱病留武清。明年春娟病轉劇。以詩寄生曰。楚天風雨繞陽臺。百種名花次第開。誰遣一番寒食信。合歡廊下長莓苔。自是不起比生遣使相迎。娟已亡矣。

奴根

杜荀鶴云勢敗奴欺主年衰鬼弄人奴之
欺主自唐已然近見一揭云項羽有拔山
之力而不能拔奴根於一紙扁鵲有拔疔
之散而不能拔奴根於數世王彥章二箇
可拔奴根何能唾手而使出魯智深垂楊
可拔奴根恐難奮臂以驅除雖戲言實至
理必也修德以俟越境或免斯亦不拔之

拔也若徒倚勢以凌人揮金以賄宦拔之
愈力則粘之彌堅大易所云確乎其不可
拔者類此根也噫

破瓜

破瓜者謂二八也蓋以瓜剖四界其形如
兩八字故女子初破體曰破瓜年當二八
也呂洞賓贈張洎詩云功成當在破瓜年
蓋二八八六十四也洎以六十四卒

士籍書曆

御史陳伯大堅奏立士籍貫似道毅然行之凡應舉及免舉人州縣給曆一道親書年貌世系及所肄業于曆首執以赴舉過省叅對華跡異同以防僞濫時人有詩譏之云戎馬掀天動地來襄陽幾處哭聲哀平章束手全無策却把科場惱秀才又有沁園春詞云士籍令行條件分明逐一排

連問子孫何習父兄何業明經詞賦右具
如前最是中間娶妻某氏試問于妻何與
焉鄉保舉那當著押開口論錢祖宗立法
於前又何必更張萬萬千算行開改會限
田放糴生民剝瘡膏血俱脫只有士心僅
存一脉今又艰难最可憐誰作偏陳堅伯
大附勢專權○癸辛雜識又載沁園春詞
曰目步多艰民心靡定誠吾國歎歎浙民

轉徙怨寒嗟暑荆襄死守閱歲經秋敵未
易支人將相食識者深爲社稷羞當今亟
出陳大諫飭借留侯迂濶爲謀天下士如
何可籍收况君能光弼臣昔穆契世逢湯
武業比伊周政不必新貫宜仍舊莫與秀
才做盡休吾元老廣四門賢路一柱中流
後似道曠師臺中首劾陳伯大等

題倚屏美人

王仲房與錦最賤一日遊妓館妓輕薄不
爲禮時室中懸倚屏美人圖寅題其上云
肯笑笑價值千金無語無言惱恨何人我
這裏錦重重香馥馥鳳枕鸞衾恁那裏冷
清清孤另另獨倚圍屏攬你又不行抱你
又不能我也憐香我也惜玉我也知音你
若活動些兒我也自會溫有妓方驚異遂
加禮焉

道開

廣生庵蓮社已七十餘年蒼書叔少時過
庵見道開師臥室粘燕子樓詩因笑謂曰
此豈禪室語欲效臨去秋波耶道公曰見
說白楊堪作柱恁教紅粉不成灰此亦說
法也道開名自肩能詩善書盡去世已四
十餘年爲之撫然

聽雨讀離騷

興州劉之昂昂山中聽雨詩曰嵩高山下
逢秋雨破帽遮頭水沒腰此景此時誰會
得清如窓下聽芭蕉祝枝山誦此詩哂其
上下淋漓清在何處又海鹽沈某因誦離
騷而得二句曰蘼蘭芳芷滿東臯閒步春
風讀楚騷下韻不接因久思誤墜崖下人
方驚扶乃曰好也好也遂吟曰忽憶靈均
發憂憤墜崖幾折沈郎腰因思古今未嘗

無對墜崖傷體寧無楚痛尙曰好耶

索箋留帶

鄧志宏肅號柝欄與朱韋齋交好一日韋
齋觴客志宏以冠帶寓之韋齋戲留以質
紙筆明日如約韋齋受其筆還冠而以紙
少留帶且曰倘無手幅竟不還也志宏爲
寄一詩云歸帽納毫真得策索箋留帶計
還疎公如買菜苦求益我已忘腰何用渠

閉戶羽衣聊自適推窓柿葉對人書帝都
聲價君知否寄付新傳折檻未古人風流
調笑藹藹若此

三角亭

宋吳興俞退翁汝尚有詩名題三角亭云
奇哉山下人來此池上宇蕙徑斜映帶林
烟盡吞吐春無四面花夜欠一簷雨寄傲
足有餘何須存廣廡